

Құрметті Бейбіткүл Сәрсемханқызы!
Аса қадірлі Қорқыт ата университетінің ұжымы!

Сіздерді отандық жоғары білім беру жүйесінде өзіндік орны бар оқу ордасы – Қорқыт ата атындағы Қызылорда университетінің **85 жылдық мерейтойымен** шын жүректен құттықтаймыз!

Тұңғыш астанамыз болған Қызылорда қаласында орналасқан бұл жоғары оқу орны құрылған күннен бастап Сыр өңіріндегі білім мен ғылымның, руханияттың дамуына өлшеусіз үлес қосып келеді. Жоғары білім беру ісінде 85 жыл бойы үздіксіз қызмет көрсетіп келе жатқан университет өз алдына қойған білім мен ғылым интеграциясы, жаңа білімдер мен технологиялар генерациясы мен трансферті негізінде қоғамның дамуы мен өзгеруі үшін тұлғалық және кәсіби әлеуетін толыққанды іске асыра алатын жоғары білікті кадрлар даярлаудың сапалы деңгейін қамтамасыз ету миссиясының толық үдесінен шығып келеді. Оқу орнының бәсекеге қабілетті және әлеуеті жоғары екеніне әлемдік университеттер рейтингтеріндегі үздік көрсеткіштеріңіз дәлел болады.

Ежелгі Тұран даласы мен Сыр бойындағы университеттеріміздің арасындағы достық қарым-қатынастың тарихы тереңде жатыр. Себебі, орта ғасырда қазақ топырағында туып, есімі шартарапқа тараған ғұламалардың алдыңғы шебінде Қожа Ахмет Ясауи бабамыз бен Қорқыт ата болды. Түркі халықтарына ортақ ұлы ойшылдар өз дәуірінде халықтың ілім іздеп, рухани азық алуы жолында қызмет етті. Осындай ірі тұлғалардың атындағы университеттеріміздің әлі де алар асулары алда екеніне сеніміміз мол.

Тарихы мен тағылымы мол білім ордасының мерейтойы құтты болсын! Университетте білім шырағы мәңгі маздасын! Оқу орны ұжымына денсаулық, бақыт, жоғары білім мен ғылымды дамытуға бағытталған іргелі істеріңізге табыс пен сәттілік тілейміз!

Құрметпен,

**Қ.А.Ясауи атындағы Халықаралық
қазақ-түрік университетінің
ректоры**



Ж.Темірбекова